



Broj: 07-11-701/21  
Vogošća, 09.06.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 09.06.2021. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI  
SEPARATNE KANALIZACIONE MREŽE U NASELJU ROSULJE-II FAZA**

**Član 1.**

Ponuda ponuđača "Dinalsa" d.o.o. Sarajevo, ulica Huseina Đoze broj 3. Sarajevo, odabrana je za izvođenje radova na izgradnji separatne kanalizacione mreže u naselju Rosulje-II faza, kao prvoplasirana na Rang listi, sa ponuđenom ukupnom cijenom nabavke u iznosu od 659.356,30 KM bez uračunatog PDV-a, odnosno 771.446,88 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 06.05.2021. godine donio Odluku o pokretanju Otvorenog postupka nabavke radova na izgradnji separatne kanalizacione mreže u naselju Rosulje-II faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 06.05.2021. godine pod brojem: 1353-1-3-66-3-61/21.

Sažetak Obavještenja o nabavci objavljen je u "Službenom glasniku BiH" broj: 29/21 od 14.05.2021. godine.

Tendersku dokumentaciju sa Portala javnih nabavki BiH je preuzelo 24 (dvadeset i četiri) ponuđača.

Krajnji rok za dostavu ponuda bio je 27.05.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.05.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-701/21 iz maja 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 9 (devet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Džekos" d.o.o. Sarajevo	820.438,48	/	/	959.913,02
2	"Bujice" d.o.o. Konjic	759.136,19	/	/	888.189,34
3	"Ted invest" d.o.o. Sarajevo i "Hidromont" d.o.o. Srebrenik	814.705,41	/	/	953.205,33
4	"Harysco" d.o.o. Sarajevo	765.113,14	/	/	895.182,37
5	"Manjo" d.o.o. Sarajevo	783.935,20	/	/	917.204,18
6	"Dinalsa" d.o.o. Sarajevo	761.135,16	/	/	890.528,14
7	"Mibral" d.o.o. Sarajevo	764.922,84	/	/	894.959,72
8	"Mevludin-commerc" d.o.o. Sarajevo	754.501,61	/	/	882.766,88
9	"Termo-beton" d.o.o. Breza	732.405,92	/	/	856.914,93

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Džekos" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Ponuđač "Džekos" d.o.o. Sarajevo je u Obrascu za cijenu ponude-Aneks 2 (strana 14. Ponude-Kolektor 10, strana 14. Ponude-Kolektor 1, strana 15. Ponude-Kolektor 10, strana 16. Ponude-Kolektor 1, strana 16. Ponude-Kolektor 1 i 10-stavka 9., strana 17. Ponude-Kolektor 1 i Kolektor 10) propustio da popuni rubriku jedinična cijena.

Na taj način ponuđač "Džekos" d.o.o. Sarajevo je postupio suprotno zahtjevu ugovornog organa iz TD-Napomena 1. iz Aneksa 2 TD, da se za svaku stavku u ponudi mora navesti cijena, te da nijedno polje u tabeli ne smije ostati nepopunjeno, čak iako se radi o iznosu 0,00 KM, što znači da je svaka rubrika morala biti brojčano popunjena.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Bujice" d.o.o. Konjic ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) dostave Diplome/Svjedočanstva o završenoj traženoj stručnoj spremi i dokazi o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Bujice" d.o.o. Konjic je u svojoj Ponudi (strana 55. Ponude) kao dokaz za traženo dostavio Diplomu o stručnoj osposobljenosti broj: 01-346-7/07 od 28.08.2007. godine, izdatu od J.U. "Narodni univerzitet" Srebrenik, kojom se dokazuje da je Aldin Boloban polagao ispit za stručno osposobljavanje rukovaoca građevinskih mašina u periodu od 27.08.2007. godine do 28.08.2007. godine.

Uvažavajući dostavljeno, Komisija za javne nabavke cijeni da je ponuđač "Bujice" d.o.o. Konjic dostavljanjem prethodno pomenute Diplome o stručnoj osposobljenosti propustio da dostavi dokaz tražen tačkom 7.4.2. pod b) TD, a kojom je kao dokaz jasno zahtjevana Diploma/Svjedočanstvo o završenoj traženoj stručnoj spremi sa akcentom na stepen obrazovanja (III ili V stepen).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

III. Ponuda ponuđača "Termo-beton" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač ima na raspolaganju:
  - 1 (jedno) lice VSS VII stepen-dipl ing. građevine odnosno visoko obrazovanje najmanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja-građevinske struke, sa položenim stručnim ispitom i 3 (tri) godine radnog iskustva u struci ili inženjer građevinarstva (VI stepen), odnosno visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova), sa položenim stručnim ispitom i 5 (pet) godina radnog iskustva u struci,
  - 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama).

Tačkom 7.4.2. pod b) TD je traženo da se kao dokazi dostave:

- Diploma o završenoj VSS i Uvjerenje o položenom stručnom ispitu za jednog inženjera građevinske struke (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu ili Diploma o završenoj VSS i Uvjerenje o položenom stručnom ispitu za inženjera građevinarstva (VI stepen), odnosno Diploma i Uvjerenje o položenom stručnom ispitu za visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova) i dokaz o radnom iskustvu i radnom angažmanu,
- za 2 (dva) lica, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovaoci građevinskim mašinama) potrebno je dostaviti Diplome/Svjedočanstva o završenoj traženoj stručnoj spremi i dokaze o radnom angažmanu.

Ponuđač "Termo-beton" d.o.o. Breza je u svojoj Ponudi (strana 53-75 Ponude) uredno dostavio sve tražene Diplome, Uvjerenja o položenom stručnom ispitu i Uvjerenja o radnom iskustvu. Međutim, ponuđač je propustio da dostavi dokaze o radnom angažmanu na način kako je to bilo jasno propisano odredbama TD.

Naime, Napomenom III (strana 8. TD) je propisano da će se kao dokaz o radnom angažmanu za sve tražene osobe uvažiti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač "Termo-beton" d.o.o. Breza je propustio da dostavi dokaze propisane TD, te je kao dokaze o radnom angažmanu dostavio Potvrde/izjave o radnom iskustvu.

Uvažavajući dostavljeno, Komisija za javne nabavke cijeni da je ponuđač "Termo-beton" d.o.o. Breza dostavljanjem prethodno pomenutih Uvjerenja kao dokaza o radnom angažmanu propustio da dostavi dokaze tražene Napomenom III iz tačke 7.4.2. pod b) TD, te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača/grupe ponuđača:

- "Ted invest" d.o.o. Sarajevo i "Hidromont" d.o.o. Srebrenik,
- "Harysco" d.o.o. Sarajevo,
- "Manjo" d.o.o. Sarajevo,
- "Dinalsa" d.o.o. Sarajevo,
- "Mibral" d.o.o. Sarajevo i
- "Mevludin-commerc" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljene ponude, nakon čega je utvrđeno da postoji računska grešaka u Ponudi grupe ponuđača "Ted invest" d.o.o. Sarajevo i "Hidromont" d.o.o. Srebrenik, Ponudi ponuđača "Dinalsa" d.o.o. Sarajevo i Ponudi ponuđača "Mibral" d.o.o. Sarajevo.

Komisija za javne nabavke postupajuću u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računskih grešaka, te je aktom broj: 07-11-701/21 od 01.06.2021. godine dostavila na davanje saglasnosti grupi ponuđača "Ted invest" d.o.o. Sarajevo i "Hidromont" d.o.o. Srebrenik, ponuđaču "Dinalsa" d.o.o. Sarajevo i ponuđaču "Mibral" d.o.o. Sarajevo.

Grupa ponuđača "Ted invest" d.o.o. Sarajevo i "Hidromont" d.o.o. Srebrenik je svojim aktom broj: 02-53/21 od 01.06.2021. godine dala saglasnost na ispravku računске greške, tako da umjesto ukupne ponuđene cijene u iznosu od 814.705,41 KM bez uračunatog PDV-a, ukupna cijena ponude nakon prihvaćene ispravke od strane grupe ponuđača iznosi 773.088,81 KM bez uračunatog PDV-a.

Ponuđač "Dinalsa" d.o.o. Sarajevo je svojim aktom broj: 0283/21 od 02.06.2021. godine dao saglasnost na ispravku računске greške, tako da umjesto ukupne ponuđene cijene u iznosu od 761.135,16 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 659.356,30 KM bez uračunatog PDV-a.

Ponuđač "Mibral" d.o.o. Sarajevo je svojim aktom broj: 35-2.1-06/21 od 01.06.2021. godine dao saglasnost na ispravku računске greške, tako da umjesto ukupne ponuđene cijene u iznosu od 764.922,84 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 764.935,64 KM bez uračunatog PDV-a.

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Tenderskom dokumentacijom-tačkom 9.5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 04.06.2021. godine u 10:10 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 04.06.2021. godine, Komisija za javne nabavke je sačinila Rang listu u Otvorenom postupku nabavke radova na izgradnji separatne kanalizacione mreže u naselju Rosulje-II faza kako slijedi:

<b>R.B.</b>	<b>NAZIV PONUĐAČA</b>	<b>UKUPNA CIJENA (KM) bez PDV-a</b>	<b>UKUPNA CIJENA (KM) sa PDV-om</b>
<b>1</b>	"Dinalsa" d.o.o. Sarajevo	659.356,30	771.446,88
<b>2</b>	"Mevludin-commerc" d.o.o. Sarajevo	754.501,61	882.766,88
<b>3</b>	"Mibral" d.o.o. Sarajevo	764.935,64	894.974,70
<b>4</b>	"Harysco" d.o.o. Sarajevo	765.113,14	895.182,37
<b>5</b>	"Ted invest" d.o.o. Sarajevo i "Hidromont" d.o.o. Srebrenik	773.088,81	904.513,90
<b>6</b>	"Manjo" d.o.o. Sarajevo	783.935,20	917.204,18

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Dinalsa" d.o.o. Sarajevo, za izvođenje radova na izgradnji separatne kanalizacione mreže u naselju Rosulje-II faza, kao prvoplasiranom na Rang listi, sa ponuđenom ukupnom cijenom nabavke u iznosu od 659.356,30 KM bez uračunatog PDV-a, odnosno 771.446,88 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

**Izradio:** Mirza Čutura

Mirza Čutura

**Kontrolisala:** Melisa Kršo

Dostavljeno:

- |                                       |             |
|---------------------------------------|-------------|
| 1. "Džekos" d.o.o. Sarajevo           | 033/459-254 |
| 2. "Bujice" d.o.o Konjic              | 036/734-061 |
| 3. "Ted invest" d.o.o. Sarajevo       | 033/668-306 |
| 4. "Harysco" d.o.o. Sarajevo          | 033/590-852 |
| 5. "Manjo" d.o.o. Sarajevo            | 033/618-372 |
| 6. "Dinalsa" d.o.o. Sarajevo          | 033/513-674 |
| 7. "Mibral" d.o.o. Sarajevo           | 033/656-680 |
| 8. "Mevludin Commerc" d.o.o. Sarajevo | 033/864-719 |
| 9. "Termo-beton" d.o.o. Breza         | 032/789-005 |
| 10. Nadležnoj Službi                  |             |
| 11. U dosije                          |             |
| 12. a/a                               |             |



OPĆINSKI NAČELNIK

Edin Smajić  
Edin Smajić